

## GJALDSKRÁ

fyrir eftirlit með öryggisráðstöfunum á vinnustöðum.

### 1. gr.

Eigendur eða umráðamenn eftirlitsskyldra atvinnufyrirtækja skulu árlega greiða gjald í ríkissjóð fyrir eftirlit með verksmiðjum, vinnustöðum og vélum, svo sem hér segir:

#### A. Persónugjald:

Fyrir hvern verkamann eða konu, sem vinnur í fyrirtæki, skal greiða árlega kr. 45.00.

Skal tala verkafólks miðuð við það, sem hún er þegar fyrirtæki er í fullum gangi við venjulegan rekstur, t. d. vertíðarrekstur frystihúsa eða sildarverksmiðju.

#### B. Eimkatlar og hylki fyrir þrýsting:

##### 1. flokkur. Gjald kr. 250.00.

Lágþrýstieimkatlar með allt að 2 kg/cm<sup>2</sup> þrýstingi og katlar með hærri þrýstingi, sem hafa allt að 2 m<sup>2</sup> hitaflöt. Opnir eimhitaðir geymar og lokuð eimhituð hylki með allt að 2 m<sup>3</sup> rúmtaki. Þrýstiloftshylki og hylki fyrir aðrar gastegundir með allt að 2 m<sup>3</sup> rúmtaki.

##### 2. flokkur. Gjald kr. 350.00.

Eimkatlar, sem hafa meiri þrýsting en 2 kg/cm<sup>2</sup> og eru með hitafleti frá 2 m<sup>2</sup> til 30 m<sup>2</sup> rúmtaki. Lokuð eimhituð hylki, sem hafa stærra rúmtak en 2 m<sup>3</sup>. Eimhitaðir suðukatlar og þurrkarar. Þó suðuketill eða þurrkari sé með hræribúnaði eða öðrum hreyfibúnaði reiknast aðeins gjald vegna aflvélar, en ekki vegna vélbúnaðar. Reykhitaðir forkatlar og yfirhitunarkerfi. Þrýstiloftshylki og hylki fyrir aðrar gastegundir með þrýstingi með meira en 2 m<sup>3</sup> rúmtaki.

##### 3. flokkur. Gjald kr. 1000.00.

Eimkatlar með meira en 30 m<sup>2</sup> hitafleti.

#### C. Aflvélar:

Af hverju hestafla aflvélar greiðist kr. 8.00.

Fyrir hvern rafmótor, sem notaður er til aflyfurfærslu frá eigin rafstöð fyrir tækis greiðist kr. 8.00.

#### D. Vinnuvélar.

##### 1. flokkur: Gjald kr. 8.00.

Dætur, sem nota allt að 5 hö., ádráttarsteinar, brjóstsýkurgerðarvélar, gosdrykkjargerðarvélar, bókbandsvélar, fægivélar skósmiða, saumavélar, mjólkurstöðvarvélar, brauðgerðarvélar, skógerðarvélar, hnappagatavélar, þrjónavélar, sníðavélar.

**2. flokkur. Gjald kr. 30.00.**

Dælur, sem nota frá 5 til 10 hö., hræritæki í kerjum, málsmiðavélar, loftblásarar, plastiðnaðarvélar, gúmmiðnaðarvélar, reykblásarar, leðurgerðarvélar, þrýsti-loftspjöppur, sem nota allt að 5 hö.

**3. flokkur. Gjald kr. 75.00.**

Prentvélar, olíuburðarvélar, dúkafægivélar, vökvaprýstipressur hjámiðjuþrýstipressur, skrúfupressur, niðursuðuvélar, sápuþerðarvélar, súkkulaðieltivélar, máln-ingargerðarvélar, fataþvottavélar, gærurotunarvélar, sítunarvélar, flöskuáfyllingarvélar, síldar- og fiskmjölsvélar, síldarolíuvélar, ullarvinnsluvélar, steinsmiðavélar, grjótmulningsvélar, flókagerðarvélar, tuskutætarar, dælur, sem nota meira en 10 hö., þrýstiloftþjöppur, sem nota 5 til 10 hö., hampvinnsluvélar, pappagerðarvélar.

**4. flokkur. Gjald kr. 150.00.**

Skipadráttarvindur, einfaldir sveifflugálgar (fastir), einfaldar lyftivindur, þrýstiloftspjöppur, sem nota meira en 10 hö., gasframleiðslutæki, dósa- og flöskubvottavélar.

**5. flokkur. Gjald kr. 300.00.**

Farstólar í gálgalyftum (krönum), lyftitæki í vörugeymslum, bifreiðalyftur (loftþjöppu- og aflvélargjald innifalið), sjálfvirkar papparentvélar.

**6. flokkur. Gjald kr. 750.00.**

Fólkslyftur og aðrar sjálfvirkar lyftur með fallhemlum, fallhamrar, (aflvélagjaldið innifalið), steypuhærivélar, lyftivagnar.

**7. flokkur. Gjald kr. 1000.00.**

Dráttarvagnar og dráttarvélar með eða án áfastra vinnutækja, vegabjöppur, heflar og aðrar vegagerðarvélar, litlar (minni en 100 hö.), jarðýtur, ámokstursvélar, skurðgröfur og aðrar svipaðar vélar. Litlir farandkranar (bómulengd minni en 8 m og lyftigeta minni en 2 tonn).

**8. flokkur. Gjald kr. 2000.00.**

Stórar (100 hö. og stærri) jarðýtur, vélskóflur, ámokstursvélar, algengir farandkranar, byggingarkranar, verksmiðjukranar, malarvinnslusamstæður og aðrar svipaðar vélar.

**E. Frystivélar:****1. flokkur. Gjald kr. 75.00.**

Frystivélar með allt að 10 000 kg/cal. afköstum.

**2. flokkur. Gjald kr. 200.00.**

Frystivélar með 10 000 til 20 000 kg/cal. afköstum.

**3. flokkur. Gjald kr. 350.00.**

Frystivélar með 20 000 til 50 000 kg/cal. afköstum.

**4. flokkur. Gjald kr. 750.00.**

Frystivélar með yfir 50 000 kg/cal. afköstum.

**F. Verkpallar:**

Ef verkpallar eru við hús, sem eru í smíðum, greiðist kr. 0.40 af hverjum teningsmetra hússins. Ef hús er aðeins einnar hæðar íbúðarhús, eða af veggshæð húss undir þakskegg er ekki yfir 3.5 m, greiðist ekki gjald vegna verkpalla.

Ef verkpallar eru notaðir við endurbætur, lagfæringar eða málun húsa eða skipa eða við hleðslu á vörum, greiðist kr. 1.50 fyrir hvern blaupandi lengdarmetra verkpalls. Þó skal ekki greiða gjald af verkpöllum, sem eru í minna en tveggja metra hæð frá jörðu.

Fyrir færanlega verkpalla, sem hanga í strengjum eða eru færanlegir upp og niður á einni eða tveimur stoðum, greiðist kr. 225.00.

#### G. Losun og lestun.

Í hvert sinn, sem skip kemur frá erlendri höfn eða affermir vörur hér við land, skal það greiða gjald vegna öryggiseftirlits þannig:

Skip, sem eru 100 til 1000 brúttólestir greiði kr.	500.00
Skip, sem eru 1000 til 2000 brúttólestir greiði —	1000.00
Skip, sem eru 2000 til 3000 brúttólestir greiði —	1500.00
Skip, sem eru 3000 brúttólestir og þar yfir —	2000.00

Er viðkomandi embættismönnum falið að innheimta eftirlitsgjaldið samkvæmt gjaldskránni með öðrum skipagjöldum við tollafgreiðslu skipanna við komu þeirra frá erlendri höfn, enda verði gjöldin aðeins tekin þar, sem eftirlitsmenn eru starfandi.

Skip, sem fermir eða affermir vörur á strandferðum skal einu sinni fyrir hvern mánuð, sem það siglir milli hafna greiða gjald skv. gjaldskránni, enda hafi það ekki flutt vörur milli Íslands og annarra landa á sama tíma.

Gjald skv. 3. mgr. innheimtist eftir reikningi, sem Öryggiseftirlit ríkisins gefur út með sama hætti og önnur gjöld fyrir öryggiseftirlit á föstum vinnustöðum.

#### H. Húsakynni án véla:

Fyrir íbúðarskála verkafólks greiðist kr. 3.00 af hverjum fermetra gólfplatar. Fyrir hverja eftirlitsskylda vinnustofu án véla, svo sem saumastofur, þvottahús, netagerðarstofur, seglasaumastofur, vinnustofur í frystihúsum, sláturhús o. s. frv., greiðist kr. 1.50 fyrir hvern fermetra gólfplatar. Fyrir víðáttumikil vinnuhús, þar sem tiltölulega fáir vinna að staðaldri, svo sem fiskþvottahús og opin vinnuskýli, greiðist kr. 0.75 fyrir hvern fermetra gólfplatar.

#### I. Gasmæling eða þrýstiraun kerja og geyma:

Fyrir hverja gasmælingu kers eða geymis í landi greiðist kr. 600.00.

Fyrir gasmælingu oliugeyma í skipum greiðist kr. 600.00 fyrir fyrsta geymi og síðan kr. 300.00 fyrir hvern geymi. Fyrir gasmælingu vélarrúms eða dælurúms greiðist ekki gjald, sérstaklega ef mæling í þeim er framkvæmd samhliða mælingu í geymum, að öðrum kosti greiðist kr. 300.00 af hverju rúmi, sem mælt er.

Sé gasmæling framkvæmd utan hins reglulega vinnutíma öryggiseftirlitsins samkvæmt ósk eiganda eða notanda geymis eða skips, skal hann greiða þeim starfsmanni öryggiseftirlitsins, sem mælinguna framkvæmir, yfirvinnu þá, sem mælingin leiðir af sér.

Fyrir þrýstiraun katla eða geyma sem eru minni en 2 m<sup>3</sup> að rúmtaki eða með minni þrýsting en 2 kg/cm<sup>2</sup> greiðist kr. 300.00 en fyrir stærri katla kr. 400.00.

#### 2. gr.

Fyrir vinnuvélar, sem ekki eru nefndar í gjaldskránni, greiðist hlutfallslega eftir því hve stór og margbrotin vélin er, frá kr. 8.00 til kr. 2000.00.

Þó skoðun fari fram oftar en einu sinni á ári, greiðist skoðunargjald aðeins einu sinni, nema framkvæma þurfi auka eftirskoðun vegna vanrækslu á framkvæmd

fyrirskipaðra umbóta, en fyrir slíka skoðun greiðist fullt gjald sbr. 10. gr. starfsreglna fyrir Öryggiseftirlit ríkisins.

## 3. gr.

Reynist tekjur eftirlitsins ekki nægar samkv. gjaldskrá þessari, til þess að standa undir kostnaði við framkvæmd eftirlitsins, er öryggismálastjóra heimilt, að fengnu samþykki ráðuneytisins, að hækka gjöldin um allt að 25% eftir því, sem með þarf.

## 4. gr.

Þegar teikningar af fyrirhuguðum breytingum fyrirtækis eða fyrirkomulagi fyrirtækis, sem fyrirhugað er að reisa, eru sendar eftirlitinu til umsagnar, greiðist ekki gjald fyrir umsögnina. Þurfi eftirlitsmaður, að ósk eiganda, að takast ferð á hendur vegna slíkrar umsagnar, skal eigandi greiða ferðakostnaðinn.

## 5. gr.

Fyrirtæki, þar sem fimm verkamenn eða færri vinna eða notuð er orka, sem eigi fer fram úr 3 hö., skulu undanþegin eftirlitsgjaldi, nema annað sé ákveðið af öryggismálastjóra, enda sé vinnu þannig háttáð, að eftirlits sé eigi brýn þörf.

Gjaldskrá þessi, sem sett er samkvæmt 47. gr. laga nr. 23 1. febrúar 1952, um öryggisráðstafanir á vinnustöðum, sbr. lög nr. 52 20. maí 1955, um breyting á þeim lögum, öðlast þegar gildi og gildir fyrst fyrir gjald fyrir eftirlit framkvæmt á árinu 1972 og birtist til eftirbreytni öllum þeim, sem hlut eiga að máli.

Jafnframt fellur úr gildi gjaldskrá nr. 2 18. janúar 1964 fyrir eftirlit með öryggisráðstöfunum á vinnustöðum og auglýsing nr. 128 23. júní 1970.

*Dóms- og kirkjumálaráðuneytið, 4. febrúar 1972.*

**Ólafur Jóhannesson.**

*Jón Thors.*

## REGLUGERÐ

um breyting á reglugerð nr. 228 30. desember 1971, um flokkun bygginga og annarra mannvirkja til fyrninga og um flokkun íbúðarhúsnæðis til fyrninga og viðhaldskostnaðar.

## 1. gr.

Aftan við c-lið 1. mgr. 1. gr. bætist:

Ræktun á bújörðum .....	5.0	10.0
-------------------------	-----	------

## 2. gr.

Reglugerð þessi, sem sett er skv. ákvæðum 3. tl. C-liðs 15. gr. laga nr. 68 15. júní 1971, öðlast gildi þegar í stað og skal koma til framkvæmda við álagningu tekjuskatts og eignarskatts fyrir skattárið 1971.

*Fjármálaráðuneytið, 3. febrúar 1972.*

**Halldór E. Sigurðsson.**

*Jón Sigurðsson.*